

聖宋名賢五百家播芳大全文粹集表卷一

賀表

登極

尊號

受冊



賀皇帝登極表

蘇子由

天錫成命君臨萬邦神人宅心中外相慶中賀日聞人倫莫先者
父子神器不二者社稷付與一定衆庶自安我國家接統漢唐配
德虞夏世祚平泰古無擬倫 先皇帝總御綱權肇新法度廣興
百世之利聿追三代之隆大功甫成明命有屬此蓋伏遇 皇帝
陛下仁孝天授聖智日躋承昭考作室之明賴文母翼周之賜臨
馭茲始霈澤汪洋寵及庶寮恩宥多辟民田蠲租稅之重邊吏禁
侵攘之姦兆民永懷四夷咸賴昔周成致刑措之盛漢昭知時務
之宜今古同符治功可待臣守土南服親被鴻恩踴躍歡呼倍越
倫等

賀皇帝登極表

晁无咎

欽承顧命嗣履寶圖謳歌有歸華夏均慶中賀恭惟 皇帝陛下
挺生聖德夙有仁心問寢彰純孝之誠主鬯著克恭之美大明繼
照至健體元邦之榮懷人所歸往不顯亦世是開上帝之符無疆
惟休咸曰吾君之大天地日月廓然泰清山川鬼神罔不順序鴻
基滋固景命方綿凡在群倫舉知慶蹈且等恪居外部親見重熙

賀皇帝登極表

汪彥章

天啓昌期御蘿圖而出震人瞻睟表負黼衣以當陽既三靈宗社
之有歸將萬世人民之永賴中賀竊考帝王之受命殆將今古以
同符必國步艱難始天地出非常之主及治功宏濟乃子孫承罔
極之休恭惟 皇帝陛下勇智自天英明冠古躬反朴還淳之儉
奮興衰撥亂之剛方率土之謳吟共思劉氏宜昊穹之歷數專在
舜躬爰除高邑之壇俯應天橫之兆取炎精用事之月即藝祖興
王之邦有三千同德之臣共扶鴻業用七百卜年之數重立丕基
方圖政事之修獨運神明之斷豈止兩河之復即觀二帝之還臣
等幸備周行獲逢嘉會接千歲之統交侵行殄於四夷盛九賓之
儀率舞但同於百獸

賀皇帝登極表代

邵公濟

欽承慈訓繼御皇圖事絕古今慶均中外中賀恭惟 陛下天資
恭儉日就聖神正位青宮仁孝已聞於四海升尊黃屋功業宜冠
乎百王已求當代之直言將復本朝之故事無知之虜自應効順
有志之士益望太平且遠諭蜀民謬持漢節與萬物而共覩嘆千
載之親逢喜頌堯戴舜之同時念報國忘家之有日

賀皇帝登極表

李元應

紹膺寶緒不冒海隅方受命以惟新蓋體元而居正神祇叶契中
外歡呼中賀恭惟 皇帝陛下恭儉身先聰明天錫法乾之健如
日之升纂承七聖之休光克邁百王之懿鑠端一德以當寧乘六
龍而御天九州攸同萬物並覩其遠居蜀道誤領憲條望九重之
深第傾於葵藿稱萬年之壽阻綴於鸚鵡

賀皇帝登極表

馮當可

大寶正位重離繼明廓天地以光昭踵勳華而授受慶流海宇恩
浹華夷中賀臣聞大業不難一時之盛而難萬世之傳天子不貴
一己之尊而貴萬方之託不圖再造上聖篤生人望所歸天意有
在恭惟今上皇帝勇智天錫誠明生知以帝王之英資躬曾閔
之至行方真龍之潛養繫神器以奠安歷數在躬應靈圖而受瑞
冕旒御極傳正統以當陽初更始於萬方將一新於庶政舉允恭
揖遜之美當凶殘篡逆之餘睨見雪消風行草偃大號初頒於吳
蜀先聲已播於幽燕一日歸仁千載難遇臣某方縻郡職莫綴朝
端徒望闕以傾馳阻趨庭而抃舞

賀皇帝登極表

晁詠之

祇紹天明欽承聖統神祇宗社永有依歸草木昆蟲咸知愛戴恭
惟皇帝陛下德先慈儉道格聖神淵嘿雷聲有作而萬物覩天
覆地載不言而四時行席七聖之重熙荷三靈之孚佑惟新大命
風四海以承休克紹永圖貫百王而立極且遠使川陝不獲躬詣
闕庭隨班稱慶

賀皇帝登極表

李成季

龍德時升紹一王之休運天恩下霈鼓萬國之歡心凡在蓋容一
歸撫御中賀竊以可託天下必允屬於真人克享帝心實有懷於
明德恭惟皇帝陛下聰明齊聖歷數在躬孝悌感於人神言行
動乎天地奉兩宮而無間就外傳而弗煩道學生知德心日邁宜
先王之眷命付大器以受民二聖嗣興益隆乎世祚一道相授蓋
篤於天倫謳歌朝覲之有歸禮樂政刑之具在享七世崇高之業
應萬年熙洽之期繼體元豐均正吾君之子承華紹聖載安百姓
之心永孚四海之休成賴一人之慶且限拘官守阻造闕庭

賀皇帝登極表

李成季

犬奉詔書恭承皇帝陛下虔奉寶圖踐登宸極震雷一發聲赫
四方大明繼升光被萬國生靈鼓舞動植昭蘇凡在撫臨無不欣

戴中賀 臣聞盛德之後世有天下有道之國篤生聖人恭惟 陛下席六帝之法休對三靈之丕眷仁孝純乎天至聰明茂於日躋歧嶷之間已能動悟先帝號令之始足以慰悅衆心杜稷有所憑依神祇以之安樂皇天右序復開命武之符率土祗驩行見紹堯之化臣限拘符守阻造闕庭無任抃蹈踴躍之至

賀皇帝登極表

趙 德莊

天心乃眷集丕命以無疆火德延洪廓大明而繼照神靈底豫天夏謳歌恭惟 皇帝陛下淵懿在躬緝熙既聖龍姿日表實真人之自然海潤星暉流率土之陰賜仰體倦勤之訓赫臨傳序之光中國之有至仁無思不服王者之大一統咸與惟新肆放作解之恩普慰樂推之望臣遠將德意獲際休明近想風雲莫遠攀鱗之列尚殫塵露少綏扶杖之氓

賀皇帝登極表

趙 德莊

乾坤助順將臻六合之同神聖膺期適契千齡之會民風闡懌星緯清華恭惟 皇帝陛下精粹自天英明不世時行山立聿增九鼎之崇淵默雷聲昭協六龍之序揔朕師而有命家天下以非私述者謂明孝方申於養志建其有極福自應於不平臣假守外藩欣聞殊慶霑雷雨之作解已荷尾鴻想日月之末光所嗟遲暮

賀皇帝登極表

劉 莘老

伏奉赦書恭承 皇帝陛下祗膺先志紹履慶其元在覆臨舉深欣戴中賀伏以 皇帝陛下睿智天縱聰明日躋迪靈源之休祥抱至聖之仁孝皇穹眷命主祀邇以承桃正統傳歸大帝華而協德離重明而繼照乾六龍以御天七政光華三靈泰定舜蓋循於堯道武能廣於文聲宅右膺符協謳歌之所載守成保極與天地以無窮

賀皇帝登極表

劉 莘老

順承顧命寅踐丕圖大號四孚萬方一慶中賀恭以 皇帝陛下幾神剛哲性德靖淵佑民作君宅天衷之所相守文繼體一神器

於有歸璇璣察而七政齊聖人立而萬物觀光符歷數之在不協
人神之依重矣紹堯烝哉下武潤色大業作者謂聖而述者謂明
守成太平傳之無窮而施之罔極且親逢邦慶限守藩條不能躬
覲闕庭蹈舞班次

賀皇帝登極表

代

熊子復

長子主器纔建青宮大人繼明亟踐黃屋神祇欣懌動植昭蘇中
賀且聞天佑而作之君啓堯舜之相受父有而傳之子續文武之
重光自古罕聞于今創見恭惟 皇帝陛下道繩祖武德簡帝心
若元氣運四時又密庸於聖度如太陽御六合初奄受於神基既
朝覲謳歌之畢歸宜華夏蠻貊之皆服坐撫盈成之運益恢洪遠
之摹且猥使閩陬阻班漢闕際千載之會徒仰於龍飛列九賓之
儀莫陪於獸舞

賀德壽宮表

為天下得人睿謀素定與萬方更始皇統親傳意合祖宗道同堯
舜中賀恭惟 太上皇帝英明獨運慈儉躬行厲精三紀之餘恭
已萬民之上啓昌運於中興之日朝諸侯於復會之時已安神器
於覆盂直視天下如弊徒委無倫之富貴與造物遊處太上之崇
高為天子父功成不有大道大難名且謬領州麾欣承詔且考百王
而未見歎美斯勤祝萬壽之無疆傾輸至切

賀壽皇聖帝遜位表

史丞相

伏覩詔書今月二日 至尊壽皇聖帝御重華宮者接千歲之統
親畀儲皇受五日之朝尊居大極規圖宏遠典禮光華中賀且聞
一日萬機之繁不特憂勤於當代四海九州之大蓋將付託於無
窮雖猷為已示於躬行而傳授必嚴於面命保民道備為國慮周
恭惟 至尊壽皇聖帝陛下威德兼隆英明獨斷怡顏順色全至
養於始終飭已厲精措中興於宵旰樞機密而品式具風雨節而
寒暑時社稷救寧戎夷賓服委治於緒餘土苴非心於富貴崇高
求仁得仁既廣帝堯如天之覆復以聖繼聖益昭夏王與子之公超

軼兩儀之先傲倪萬物之表成功不有妙用難窺巨屬鄉閭鈔
詔百望鬱鬱蔚葱蔥之所莫遠庭班誦穰穰簡簡之詩切祈睿筭

皇帝詣重華宮請上尊號

皇帝臣上表言謹帥羣臣詣 重華宮恭請上 皇帝尊號者伏
以聖人得道之真有不可形容之妙日子尊親之至欲少伸歸報
之誠輒籲眾言仰干崇聽臣 中謝切以洪荒之代尚存虛數之名
推遷之朝猶著勳華之號雖曰事殊而世遠亦皆實副而美彰矧
在我家具有景鑠恭惟 皇帝陛下以英睿之斷整齊乾坤以慈
愛之心涵養夷夏積憂勤於九閏恢統緒於十朝重熙累洽之功
揜漢唐而不論高壯絕俗之行有曾閔之所難方將畢商宗三祀
之宅憂遽乃奉長樂萬年之至養逍遙塵垢之外與造物遊止息
混元之宮為天下父願慚眇質嗣守丕圖戴天造而益深懼鴻微
之未聞考之經則壽實先於五福質之傳則聖首冠於群倫參往
哲之格言合有生之公願恭上尊號曰 至尊壽皇聖帝雖持蠡

抱管莫窺測於毫分而鏤玉泥金莫鋪張於萬一伏望曲垂睿照
亟發俞音上以修宗社無疆之休下以遂臣民歸尊之志謹奉表
陳請以聞

再上尊號表

臣言今月六日帥羣臣上表恭請上尊號曰至尊壽皇聖帝伏奉
荅誥未賜俞允者伏以比翰微懇謹勒鴻名天聽甚高尚閱矜從
之百物情既鬱不勝懇切之私理有未安義當再瀆臣 中謝切以
尊之至者號宜稱道之備者美自彰適觀古初載在圖謀曷嘗不
揚景鑠以崇盛德脩顯冊以昭殊休酌歷代之成規考本朝之大
典驗休祥於天意察愛戴於人心邇遐合辭幽顯同頌恭惟 皇
帝陛下誠贊化育孝通神明欲正素冠力行於通制釋去重負專
心於事親使千歲固陋之習遂洗於一朝而匹夫守能之行乃見
於萬乘舉此大節已冠百王而況化極範圍仁漸動植武功底于
保定文治洽于綏懷夫必得其壽則 陛下宜享其休不居其聖

而 陛下則有其實合此二美稽于衆言強施繪畫之功曷摸臨
照妄持淺近之見寧測高深豈謂 陛下退託愈堅執謙深損切
窺訓誥尚靳允俞凌兢失圖跼踖無措伏望沛然遠慮監此丹衷
使臣子微誠得少施於毫末則 國家盛事可誇耀於簡編存此
控陳期於得請謹再奉表陳請以聞

賀太上皇帝冊尊號表代

邵公濟

明詔親頒識淵衷之素定大器有託知聖子之可傳奉太上之鴻
名爲域中之大慶中賀恭惟 太上皇帝陛下仁心愛物惠澤在
民如文王之畏天類成湯之罪已雖神武之不測本清淨以無爲
儲闈蚤正於元良宸極遽辭於太寶功成知退道大難名且世受
國恩肅將王命欽聞盛典肇建明時躋道爲心四海共知於德意
與天齊壽萬年永播於頌聲

賀光堯壽聖太上皇帝尊號表

趙德莊

騰有截中賀日聞道之大者雖遠而必著名之實者欲辭而自歸
故乾坤之象或得以形容而勛華之傳終流於載籍恭惟 光堯
壽聖太上皇帝陛下配天其德既聖而神輕萬乘以弗居夫何能
報接千齡而善繼抑有所尊稽厥典章奉茲寶玉退然揖遜六五
帝而獨高介以壽祺億萬年而惟永天人契合 宗社尊安且昔
佩紫荷戈承清燕遐方留滯志徒切於戀軒盛事傳聞心但同於
率舞

賀光堯壽聖太上皇帝尊號表代

趙德莊

涓選休辰肇稱顯冊輯彌文於創見章孝治於維新殊慶所覃群
生胥抃恭惟 光堯壽聖太上皇帝陛下功侔開闢業茂盈成出
應煩機雖海涵而地負內存至樂本神動以天隨當離日之正中
體乾龍之無悔白茅是席黃屋非心念美報以何施宜鴻名而誕
舉采彼康衢之謠誦申以華封之祝辭聖不可知信大哉之難喻
靜而無累驗仁者之長存冠曰且百王燕貽萬世且風叨睿獎獲際

盛儀比屋可封幸觀風而親見敝帷不棄徒戀德以彌深

賀太上皇帝七十加尊號表代

熊子復

大德方得壽特舉於曠儀成功莫能名載加於顯號光華振古鼓舞含生中賀臣聞生七十者自古為稀過一萬春而聖克壽堯帝猶言朕在位豈如神器之早傳孔子且謂吾從心而况天君之常定獨超數聖永茂群生恭惟 聖號太上皇帝陛下道極希夷仁均普率今為父乃貴爾早貽燕翼之謀付得人何憂哉益荷駿尾之寵膺絕無之茂典增莫大之隆名邦慶榮懷天壽平格巨猥當煩使欣際昌期生民以來未覩本朝之盛後天而老長瞻太極之尊

賀皇帝加太上皇帝尊號表

熊子復

慶長壽於親闈肇修曠典述大功於帝冊加奉隆名燕及神祇驩均華夏中賀臣聞堯何心於黃屋既巍巍而成功舜方游於巖廊常業業而致孝斯為盛際今乃同符恭惟 皇帝陛下親總權綱嗣承基緒五十而慕父母顧聖德之難加八千以為春秋喜慈齡之方永攷今昔所無之制增乾坤莫大之稱舉盛事於三朝湛洪恩於四海巨猥分邦屏阻綴朝聯天地明察而神彰咸知盛德日月升常而山壽永贊昌期

賀太上皇帝加尊號表代

楊万里

載都顯號備極崇稱必得其壽必得其名孰擬形容之美資於事君資於事父允為錫羨之休塞華夏以交傳罄詩書而莫紀中賀伏惟天惟徧覆道有大原確乎在上而得無為之為純兮若朴而號衆甫之甫著一王之大法信千載之難逢恭惟 尊號皇帝陛下軌轍皇塗糝糠事域復行王化遠符雲漢之章獨運神謨自得崆峒之上兼著不言之大美一新為稱之鴻名成湯自號於我王居多慚德興慶共推於天帝未叶徽稱視前古而有光乃於今而親見日厲嬰官守阻賀闕庭下明詔而發德音已識榮懷之慶鋪宏休而揚偉績更觀久大之符

賀今上皇帝上太上皇尊號表

楊 万里

邱圭昭事祗承享帝之宏休冊寶成儀式衍尊親之榮號中賀恭惟陛下所謂聖人之孝貴乎達孝而天子之尊必有所尊念躬展於曠儀厲告成於吉禮適自今日即總章衢室之相傳不自成先知至德乾元之未稱懷萬方之付託極四字之尊榮豈確於於慈闈抑亦功高於古帝巨紬書金匱願聞周頌之形容介壽王觴重舉漢家之制度

賀冊尊號表

夏 文莊

謁款神祗聿成於大報祗嚴典冊誕受於鴻名凡在有生罔不載躍中賀恭以尊號皇帝陛下九乾備體五緯飛英天縱之能兼該於典籍生知之聖洞判於忠邪責實群司紹隆景命承大宮之祭允極於齋明奉長樂之朝日嚴於孝愛萬區累洽四貉懷柔共傾伏閣之誠請建中天之號三儀協贊五讓方從爰協靈辰肇膺盛節大功不宰錡出於強名率上交驩永昭於至治巨親逢聖且邀聽鴻猷蹈躍之誠涪萬常品巨伏限牛職在遠不獲奔詣闕庭日無任瞻天樂聖歡呼抃蹈激切屏營之至

賀太上皇后尊號表

楊 万里

洽宮闈之孝養益知坤極之尊親寶冊之鴻名允屬離明之治兩宮懽動率土榮懷中賀恭惟尊號陛下履徽柔之規躬慈儉之寶配天為大如月常明大妙嗣夫徽音備聞聖善主母坐夫少廣方介壽康念申比於柔儀極推尊於懿號侈千載非常之慶新一人至孝之心德聞馨香乾坤昭台事端閱大夷夏交傳巨欣聞明詔之頒莫旅外庭之賀襲姜嫄帝武之慶五三載籍之希聞歌魯侯壽母之詩億萬斯年之有永

賀冊太皇太后表

晁 无咎

母嚴備禮位太常尊宮闈之奉載虔海宇之歡普洽中賀恭惟太皇太后陛下挺生聖哲夙著惠慈昊穹眷懷宗廟昭假輔文祖勤勞之理隆神孫保佑之功是稽兩漢之舊章用對三朝之光命

聖人孝治

風行日聞

武之謨

媚故能貽任妙之齊徽聿收前功介厚盛際萬世永賴
臣伏限職事在外不獲躬詣闕庭

賀冊太皇太后表

秦少游

績繼鴻休亘華夷而共慶昭明鉅禮極天壤以均歡中賀恭以
太皇太后陛下鍾睿知之資御休明之運以至仁而子養萬國以
盛德而母儀三朝造舟為梁始作文王之合斷螭立極終成媯氏
之功忠邪辨而和氣通威惠行而頌聲作既增光於正統宜受禮
於神孫典章載宗寰海交抃且猥被藩宣之寄叨居肺腑之親不
獲隨例稱慶闕庭

賀冊太皇太后表

李成季

誕膺寶冊同攬乾綱號越常尊禮隆無上孝慈交感遐邇祗躡中
賀恭惟太皇太后陛下柔順在躬聰明齊聖輔佐英帝肅陰教
於六宮保鞠先朝端母儀於萬國載加盛典允答徽音挾日以什

均照臨於南面與天同久擁康樂於西朝日限守藩符不獲趨詣
闕庭

賀太皇太后表

劉莘老

膺冊慶辰正位太母七廟增重三靈協和中賀恭以太皇太后
陛下仁聖自天肅雍迪哲抱坤元之厚德倡陰教於中闈恭儉表
儀外刑于四海勤勞動業光被于三朝席高顯之徽稱極尊親之
大奉比周文母世賴於徽音如唐懿安禮隆於祖后光輝大典協
永寶圖人神蒙休海宇均慶

賀太皇太后表

劉莘老

茂對冊儀光膺聖號九照臨之所衣舉蹈舞以載歡中賀恭以
太皇太后陛下以上聖之資對重熙之作德輔明孝倡仁順以宅
心母臨先朝嘗勞於同政曠古休烈連今太平魏玉檢之鴻徽
琳瑯圖之福蔭位先風化天下遠孝慈之歸禮極尊榮人主盡子
孫之奉壽祺所嚮天地同休

請太皇太后受冊表

蘇子由

臣等聞謙雖盛德過則失中禮有必然義非所避方旱災未解則克已安衆人主之令猷及神人既和則備物正名有國之常法若乃務於損而不復有其實而弗居使典禮不修則臣子何賴伏惟太皇太后陛下躬任妙之至德蹈堯舜之休功無爲而遐邇自安不言而忠邪自辨四海蒙福三年于今乃者雨不應時民斯艱食然而振廩責已之惠饑饉所以再生側身脩行之誠鬼神所以助順今蠶麥既阜黍稷可期人獲安居朝亦無事而禮廢不舉衆將謂何夫以擁佑神孫緝熙大業名號之施本由其寶文物之盛復泐其名夫何嫌疑固執謙畏而况過密之期已極愛戴之願方深抑損逾進無據臣等重念君父之道不獨爲身其於臣子之謀當使無過今時日協吉冊寶告成却而不施自爲則至而使皇帝陛下不得盡人子之義百官有司不得舉人臣之職此臣等區區竊所未喻也伏願太皇太后陛下勉循斯請以安衆心仰以奉祖宗之舊儀俛以爲國家之榮觀

賀冊皇太后表

晁无咎

位著徽稱居天下母儀之貴禮嚴備物昭聖人子道之成宮闈載祗海縣胥慶中賀恭惟皇太后殿下懿恭性得慈儉身先坤極正於內朝陰教行於四國用膺光命允蒼常尊漢典具修式度長樂之養周詩足繼大顯思齊之功臣伏限職事在外不獲躬詣闕庭

賀冊皇太后表

秦少游

稽酌天人備嚴典禮孝治既先於宮闈歡心自得於寰區中賀恭以皇太后妙道生知英能天縱自長門而登長樂法度無違以太任而事太姜晨昏不懈至於彌成先帝之治保佑聖子之功幽通神明顯被動植施之大者報必厚實之富者名必隆位號既昭華夷增抃臣謬通屬籍叨假郡章不獲隨例稱慶闕庭

賀冊皇太后表

第四百六十八種

聖宋名賢五百家播芳大全文粹

目錄

存一百七卷

文粹一百卷 目錄七卷 [卷次多經剗改]

宋魏齊賢葉棻輯

宋刻本

四十冊

續

集 總集 斷代

7768

盛儀比屋可封幸觀風而親見敝帷不棄徒戀德以彌深

賀太上皇帝七十加尊號表代

熊子復

大德方得壽特舉於曠儀成功莫能名載加於顯號光華振古鼓舞含生中賀臣聞生七十者自古為稀過一萬春而聖克壽堯帝猶言朕在位豈如神器之早傳孔子且謂吾從心而况天君之當定獨超數聖永茂群生恭惟 聖號太上皇帝陛下道極希夷仁均普率今為父乃貴爾早貽燕翼之謀付得人何憂哉益荷駿厓之寵膺絕無之茂典增莫大之隆名邦慶榮懷天壽平格臣猥當煩使欣際昌期生民以來未覩本朝之盛後天而老長瞻太極之尊

賀皇帝加太上皇帝尊號表

熊子復

慶長壽於親闈肇修曠典述大功於帝冊加奉隆名燕及神祇驩均華夏中賀臣聞堯何心於黃屋既巍巍而成功舜方游於巖廊常業業而致孝斯為盛際今乃同符恭惟 皇帝陛下親總權綱嗣承基緒五十而慕父母顧聖德之難加八千以為春秋喜慈懿之方永攷今昔所無之制增乾坤莫大之稱舉盛事於三朝湛洪恩於四海臣猥分邦屏阻綴朝聯天地明察而神彰咸知盛德日月升常而山壽永贊昌期

賀太上皇帝加尊號表代

楊万里

載都顯號備極崇稱必得其壽必得其名孰擬形容之美資於事君資於事父允為錫羨之休塞華夏以交傳罄詩書而莫紀中賀伏惟天惟徧覆道有大原確乎在上而得無為之為純兮若朴而號象甫之甫著一王之大法信千載之難逢恭惟 尊號皇帝陛下軌轍皇塗糝糠事域復行上化遠符雲漢之章獨運神謨自得崆峒之上兼著不言之大美一新為稱之鴻名成湯自號於我王居多慚德興慶共推於天帝未叶徽稱視前古而有光乃於今而親見臣屬嬰官守阻賀闕庭下明詔而發德音已識榮懷之慶鋪宏休而揚偉績更觀久大之符

盛儀比屋可封幸觀風而親見敝帷不棄徒戀德以彌深

賀太上皇帝七十加尊號表代

熊子復

大德方得壽特舉於曠儀成功莫能名載加於顯號光華振古鼓舞含生中賀臣聞生七十者自古為稀過一萬春而聖克壽堯帝猶言朕在位豈如神器之早傳孔子且謂吾從心而况天君之常定獨超數聖永茂群生恭惟 聖號太上皇帝陛下道極希夷仁均普率今為父乃貴爾早貽燕翼之謀付得人何憂哉益荷駿尾之寵膺絕無之茂典增莫大之隆名邦慶榮懷天壽平格臣猥當煩使欣際昌期生民以來未覩本朝之盛後天而老長瞻太極之尊

賀皇帝加太上皇帝尊號表

熊子復

慶長壽於親闈肇修曠典述大功於帝冊加奉隆名燕及神祇驩均華夏中賀臣聞堯何心於黃屋既巍巍而成功舜方游於巖窟常業業而致孝斯為盛際今乃同符恭惟 皇帝陛下親總權綱嗣承基緒五十而慕父母顧聖德之難加八千以為春秋喜慈齡之方永攷今昔所無之制增乾坤莫大之稱舉盛事於三朝湛洪恩於四海臣猥分邦屏阻綴朝聯天地明察而神彰咸知盛德日月升常而山壽永贊昌期

賀太上皇帝加尊號表代

楊万里

載都顯號備極崇稱必得其壽必得其名孰擬形容之美資於事君資於事父允為錫羨之休塞華夏以交傳罄詩書而莫紀中賀伏惟天惟徧覆道有大原確乎在上而得無為之為純兮若朴而號衆甫之甫著一王之大法信千載之難逢恭惟 尊號皇帝陛下軌轍皇塗糝糠事域復行正化遠符雲漢之章獨運神謨自得崆峒之上兼著不言之大美一新為稱之鴻名成湯自號於我王居多慚德興慶共推於天帝未叶徽稱視前古而有光乃於今而親見臣屬嬰官守阻賀闕庭下明詔而發德音已識榮懷之慶鋪宏休而揚偉績更觀久大之符

賀今上皇帝上太上皇尊號表

楊 万里

邱圭昭事祗承享帝之宏休冊寶成儀式衍尊親之榮號中賀恭惟陛下所謂聖人之孝貴乎達孝而天子之尊必有所尊念躬展於曠儀厲告成於吉禮適自今日即總章衢室之相傳不自我先知至德乾元之未稱懷萬方之付託極四字之尊榮豈惟慶奉於慈闈抑亦功高於古帝巨紬書金匱願聞周頌之形容介壽玉觴重舉漢家之制度

賀冊尊號表

夏 文莊

謁款神祗聿成於大報祗嚴典冊誕受於鴻名凡在有生罔不載躍中賀恭以尊號皇帝陛下九乾備體五緯飛英天縱之能兼該於典籍生知之聖洞判於忠邪責實群司紹隆景命承大宮之祭允極於齋明奉長樂之朝日嚴於孝愛萬區累洽四貉懷柔共傾伏閣之誠請建中天之號三儀協贊五讓方從爰協靈辰肇膺盛節大功不宰錡出於強名率上交驩永昭於至治巨親逢聖旦逖聽鴻猷蹈躍之誠倍萬常品巨伏限守職在遠不獲奔詣闕庭巨無任瞻天樂聖歡呼抃蹈激切屏營之至

賀太上皇后尊號表代

楊 万里

洽宮闈之孝養益知坤極之尊親寶冊之鴻名允屬離明之治兩宮懽動率土榮懷中賀恭惟尊號陛下履徽柔之規躬慈儉之寶配天為大如月常明大妙嗣夫徽音備聞聖善主母坐夫少廣方介壽康念申比於柔儀極推尊於懿號侈千載非常之慶新一人至孝之心德聞馨香乾坤昭台事端閱大夷夏交傳巨欣聞明詔之頒莫旅外庭之賀襲姜嫄帝武之慶五三載籍之希聞歌魯侯壽母之詩億萬斯年之有永

賀冊太皇太后表

晁 无咎

母嚴備禮位尊常尊宮闈之奉載度海宇之歡普洽中賀恭惟太皇太后陛下挺生聖哲夙著惠慈昊穹眷懷宗廟昭假輔文祖勤勞之理隆神孫保佑之功是稽兩漢之舊章用對三朝之光命

聖人孝治

風行日聞

武之謨

盛際萬世永賴

媚故能貽任妙之齊徽聿收前功介眉
臣伏限職事在外不獲躬詣闕庭

賀冊太皇太后表

秦少游

續繼鴻休亘華夷而共慶昭明鉅禮極天壤以均歡中賀恭以
太皇太后陛下鍾睿知之資御休明之運以至仁而子養萬國以
盛德而母儀三朝造舟為梁始作文王之合斷釐立極終成媯氏
之功忠邪辨而和氣通威惠行而頌聲作既增光於正統宜受禮
於神孫典章載崇寰海交抃且猥被藩宣之寄叨居肺腑之親不
獲隨例稱慶闕庭

賀冊太皇太后表

李成季

誕膺寶冊同攬乾綱號越常尊禮隆無上孝慈交感遐邇祗躡中
賀恭惟 太皇太后陛下柔順在躬聰明齊聖輔佐英帝肅陰恭
於六宮保鞠先朝端母儀於萬國載加盛典允答徽音挾日以升
均照臨於南面與天同久擁康樂於西朝臣限守藩符不獲趨詣
闕庭

賀太皇太后表

劉莘老

膺冊慶辰正位太母七廟增重三靈協和中賀恭以 太皇太后
陛下仁聖自天肅雍迪哲抱坤元之厚德倡陰教於中闈恭儉表
儀外刑于四海勤勞勲業光被于三朝席高顯之徽稱極尊親之
大奉比周文母世賴於徽音如唐懿安禮隆於祖后光輝大典協
永寶圖人神蒙休海宇均慶

賀太皇太后表

劉莘老

茂對冊儀光膺聖號九照臨之所底舉蹈舞以載歡中賀恭以
太皇太后陛下以上聖之資對重熙之祚德輔明孝倡仁順以宅
心母臨先朝嘗憂勞於同政曠古休烈逮今太平魏玉檢之鴻徽
耕瑤圃之福蔭位先風化天下達孝慈之歸禮極尊榮人主盡子
孫之奉壽祺所嚮天地同休

請太皇太后受冊表

蘇子由

臣等聞謙雖盛德過則失中禮有必然義非所避方旱災未解則克己安衆人主之令猷及神人既和則備物正名有國之常法若乃務於損而不復有其實而弗居使典禮不修則臣子何賴中賀伏惟太皇太后陛下躬任妙之至德蹈堯舜之休功無爲而遐邇自安不言而忠邪自辨四海蒙福三年于今乃者雨不應時民斯艱食然而振廩責已之惠饑饉所以再生側身脩行之誠鬼神所以助順今蠶麥既阜黍稷可期人獲安居朝亦無事而禮廢不舉衆將謂何夫以擁佑神孫緝熙大業名號之施本由其實文物之盛復泐其名夫何嫌疑固執謙畏而况過密之期已極愛戴之頤方深抑損逾涯進退無據臣等重念君父之道不獨爲身其於臣子之謀當使無過今時日協吉冊寶告成却而不施自爲則至而使皇帝陛下不得盡人子之義百官有司不得舉人臣之職此臣等區區竊所未喻也伏願太皇太后陛下勉循斯請以安衆心仰以奉祖宗之舊儀俛以爲國家之榮觀

賀冊皇太后表

晁无咎

位著徽稱居天下母儀之貴禮嚴備物昭聖人子道之成宮闈載祗海縣胥慶中賀恭惟皇太后殿下懿恭性得慈儉身先坤極正於內朝陰教行於四國用膺光命允答常尊漢典具修式虔長樂之養周詩足繼大顯思齊之功臣伏限職事在外不獲躬詣闕庭

賀冊皇太后表

秦少游

稽酌天人備嚴典禮孝治既先於宮闈歡心自得於寰區中賀恭以皇太后妙道生知英能天縱自長門而登長樂法度無違以太任而事太姜晨昏不懈至於弼成先帝之治保佑聖子之功幽通神明顯被動植施之大者報必厚實之富者名必隆位號既昭華夷增抃臣謬通屬籍叨假郡章不獲隨例稱慶闕庭

賀冊皇太后表

徽名寶冊表正宮闈吐氣懽聲飛騰寶屬中賀臣嘗究觀典籍灼見古初雖聖神特起而有為必內外相須而致理立朝立市共成建國之功親耕親蠶同底化民之道故周妙得參於十亂而虞嫺有補於重華恭惟 皇帝陛下德進日新合由天作載初潛邸已諧寤寐之求入纂丕圖乃眷憂勤之助誕敷渙號式正坤儀承九廟之烝嘗奉兩宮之定省緝熙陰教勸相民彝臣承乏遠方與聞慶幸兎宜美化將形四國之風鳧藻盛儀莫綴千官之列

賀冊皇太后表

汪彥章

凝旒南面奉冊東朝誠格兩儀益見孝心之至風行四海咸知母道之尊中賀恭惟 皇帝陛下道冠羣倫行高百世念龍飛之有日瞻駟駕以無期懷思屢廢於寢雍養祈請幾殫於書敝雖暨朔南之教猶虛溫清之儀大橫之兆庚庚久當迎奉城穎之詩洩洩行即旋歸輯大議於曲臺加徽稱於長樂臣叨臨支郡阻遙近班二妃夙媿於重華雖同遠侍十亂莫尊於文母還佐中興

賀冊皇太后表

邵公濟

懿典載揚示四海母慈之貴坤儀益著昭一人子道之誠凡屬覆臨悉深抃蹈中賀恭惟 皇帝陛下在帝陟降憲天聰明屺瞻雖阻於晨昏地察實形於普率茂乃廣恩之孝肆加備物之隆飾典禮於太常用光至養薦旨甘於長樂行奉徽音而臣邈守遐方述聞盛舉徒頌思齊之聖有慚穎谷之純

賀冊皇太后表

張全真

剛辰協吉縟禮備成王化所基式表一人之慶母儀增重聿臻萬國之歡中賀恭以 皇太后道配坤元德符帝眷誕育聖神之質嗣承詒燕之圖屬戎馬之內侵從變輿而遠適未崇位號徒想音徽恭惟 皇帝陛下亶天縱之英姿輔日新之聖學丕揚大業坐致中興謂祀夏配天實本有仍之懿清宮見廟當先薄后之迎然以未聞北狩之還尚阻東朝之養惟聖人無以加孝視天下不足解憂正長樂之隆名奉慈宮之寶位冀上天之悔禍盡洗邊虞佇

行殿之端歸永安人養臣叨分屏翰密邇闕庭拭目熙朝傾心盛事堯門紀瑞增光圖史之傳漢殿稱觴阻預巨鄰之列

賀冊皇太后表

李成季

允膺寶冊增奉鴻名大孝隆親事光墳史萬邦蒙福喜極人神中賀恭惟皇太后陛下育粹坤元服勤陰教輔佐先帝志在靜柔保鞠聖躬德惟均一式章懿範推講盛儀祇天懿慈盡明王之要道誕敷徽命鼓百姓之歡心臣限守藩符不獲躬詣闕庭

賀冊皇太后表

劉莘老

順膺顯冊光宅徽稱允預生靈舉深扞舞中賀恭以皇太后性鍾仁聖身率儉恭佐佑先朝協坤元之正順尊親長樂風天下於孝慈任妙聖而周寧馬鄧賢而漢盛進升大號協佑炎符廟社增隆人神同慶

賀冊皇太后表

奉膺寶冊誕受洪名慶號所頒民靈同抃中賀恭以皇太后端

恭毓德淑哲自誠位中極以儀坤協乎內治裕靈符於出震遂正尊稱鞠海寓於愛慈廣廟朝之茂賴周任美教思齊推大於詠歌漢鄧極恭長樂行光於記注

賀冊皇太后表

蔡君謨

竭天下之養雖恭報於厚慈盡朝廷之儀在極崇於徽號神祇協應夷夏同懽中賀臣聞夏商以前六宮之制邈焉而無紀姬劉以降五程之法粲然而備存姜嫄太妣之流音明德和思之繼盛載華禮典允厲昌辰恭惟皇帝陛下純被九乾紹恢四聖成社稷之大計母道有光酬天地之至仁除靈克順爰歸功於慈訓遂推美於瓊章家國慶安孝恭交至臣忝塵法從恪守藩封

賀冊皇太后表

蘇子瞻

續女維莘倪天之妹事關朝社喜溢人神中賀臣聞三代之興皆有內助二南之化實本人倫維關睢正始之風具既醉太平之福民有所恃邦其永昌恭惟皇帝陛下自誠而明惟睿作聖輯寧

夷夏德既茂於治朝輔順陰陽政兼修於內職既膺大慶益廣至仁下逮海隅夫婦無有愁歎上符天造日月為之光明受祿無疆與民同樂

賀冊皇后表

蘇子瞻

吉日既消柔儀允正穀珪往聘象服來朝中賀臣聞周姜任妙之賢位皆非極漢陰馬鄧之貴德或有慙盛哉六禮之陳襲此三宮之慶恭惟太皇太后陛下任付託之重躬保佑之勞公天下不私其親配宸極必先以德徽音不墜嗣成慈孝之風仁壽無疆坐享雲來之養日限以官守不獲躬詣闕庭

賀冊皇后表代

陳履常

爰歷靈辰肇修內職禮成一代風動四方中賀臣聞朝廷之治本乎家婚姻之道正乎始爰求茂族用酬哲人龜筮協從人神同福恭惟太皇太后陛下憂深廟社謀及子孫既成天德之剛復修陰禮之助本支百世浸被周南之風壽考方年膺受天下之養臣職當守上世受懋恩欣聞大禮之行莫預外庭之賀

賀冊皇后表

陳履常

龜筮協從古今同貫盛儀既舉休氣來臨中賀竊以三后興邦必有同心之助六朝成憲著聞積德之升惟閔睢左右之求有思齊十百之報人有所仰邦其永昌恭惟皇帝陛下既聖不居持成如始攷圖數貢盡雨露之所濡緯地經天宜陰陽之備位爰因誕聖遂正洪名德配二宗並有照臨之意功施四海居無怨曠之聲豈意莫年數逢盛事

賀冊皇后表

功德兼茂禮命載崇慶自宮闈逮于寰海中賀竊惟母以子貴既三代之舊章位以次升乃六朝之盛德惟紫庭之虛位更寶曆之累年雖聖念退抑以未遑而天下屬望之有在嗣既自出天猶不違爰歷靈辰茂膺大典恭惟皇帝陛下寅畏天地攷法祖宗以義勝私出入詩書之府由今望古度越周宣之風爰興舉於上儀

用光華於盛旦室家胥慶日月增明万物順成氣得陰陽之備三靈錫美壽有岡陵之崇

賀冊皇后表

汪彥章

帝圖內治天錫柔儀前占龜筮之祥懋舉禋禴之禮中賀伏以坤承天而乃順月受日以爲明不表徽音孰宣陰教既輔成於全盛宜登配於至尊恭惟皇帝陛下誠以齊家孝於尊禰爰正軒星之象用承長樂之顏臣久冒明恩欣聞盛典雖外庭稱慶莫陪百辟之趨然輔郡承流行被二南之化

賀冊皇后表

晁詠之

帝德御天化成九有坤儀正位慶浹萬邦九預生成舉同拊蹈中賀竊以在昔盛世惟先哲王必有正順之賢來會休明之運實惟天作非特人謀恭惟皇帝陛下道格家邦教敷中外法堪輿之覆載參日月之照臨時享馨九廟之恭聿求助祭日嚴致兩宮之奉思盡承顏且有柔順利正之姿以配聖神文武之德惟時淑媛

式協昌期堯篋即安已應高禩之慶宮闈家化蚤形彤管之風是宜稽合典章崇正位號以篤皇天之眷命以承永世之丕休臣祗荷厚恩側聆盛典仰二儀之化育載深螻蟻之情罄万壽之歡呼莫預駕鸞之列

伏審 皇后膺受寶冊禮成者天祚有德益享太平之休文定厥祥聿求內助之懿肅使介而將命備典冊而揚庭幅員有生鼓舞相慶中賀竊以體坤元而育萬物主陰教以統六宮得關睢之窈窕而無傷善之心躬卷耳之憂勤而有進賢之志足以靈承宗社作合聖神維時母儀選自世胄奉珪幣之聘而講希闊之典致禕翟之飾而崇正始之風縵禮煥乎非常歡聲震乎無外此蓋皇帝陛下文明天縱睿智日躋緝熙昭考之康功燕翼文母之慈訓眷圖邦媛表正宮闈警言戒相承豈特輔唐虞之盛際柔嘉維則固將繼任妙之徽音臣叨備遠藩親逢嘉會祝聖人之多子竊慕堯封頌天子之萬年敢忘虎拜屬拘官守不獲躬詣闕庭

賀立皇后表

劉莘老

椒房懿德寶冊降衷慶溢宮闈歡騰海宇中賀切以握乾垂統必資助於坤柔治外宣風亦先成於內治母儀斯備婦順以明稽合舊章綽隆新制恭惟皇帝陛下續承丕緒紹復洪圖踵遐武之重光措幽生於累洽先乎民物明王者之至公及于閨門著天下之大義維皇立配於國承家載嗣徽音將以正心而逮下不加崇號無以示民之有尊誕錫洪名榮褒淑德然家人麗正講聞義易之辭而君子好述載美閔睢之義自古所重于今是稱位定壺中化成天下

賀立皇后表

中闈正號佑天德之大明四海蒙休慶國風之有本禮嚴宮掖歡浹海隅中賀恭以皇帝陛下以上主之資履重熙之祚至仁冒乎天地濬哲嗣乎祖宗謂聖人之功重乎治內而天下之定始於正家詔典冊於有司進坤儀之徽號仰恭廟祀卞厚人倫

賀冊皇后表

蔡君謨

麗尊皇極宅正位於天閨配德紫宸膺鴻名於寶冊海內臣妾抃蹈以之中賀臣聞文命造邦塗山所以宣內助重華嗣聖皇英所以輔至明宗廟敬其薦羞穹壤因而垂祉載光懿範永屬熙朝恭惟皇帝陛下續服睿圖席休寶緒兩儀均大含生荷亭育之恩二耀高臨品物仰照臨之德是以淑譽流於區域陰教序於宮闈用贊王猷必崇位號加麗禕衣之貴增光彤管之華臣忝寄藩方限遙天陛

賀冊皇后表代

熊子復

儀虛中壺孰叅協帝之圖祥降上空爰錫倪天之配光華振古鼓舞含生中賀臣聞舜釐虐嬪冒子媯汭文績華女實在洽陽用能致孝而襲帝堯之行無憂而紹王季之作何幸五三之懿則乃當千一之昌期恭惟皇帝陛下獨運聖謨同符祖烈復古而內修政既操天德之剛治國而先齊家亦資陰教之順遵燕謀於太上

正鴻號於長秋以安九廟之靈以定六宮之度臣欣傳盛事阻造
明廷原隰方勤愧久被皇華之寵乾坤既合知未扶太極之尊

賀冊貴妃表

王介甫

授盛之禮發於官闈驩康之聲播於寰海中賀恭惟皇帝陛下
倣古之憲刑家以身乃資婦德之良俾貳坤儀之政蓋關雎之求
淑女以無險詖私謁之心雞鳴之得賢妃則有儆戒相成之道於
以求助不專為恩臣生逢明時切觀盛事祝聖人之多子輒慕堯
封思令德以式歌豈慙周雅

賀冊皇太妃表代

秦少游

史官揆日宗伯陳儀舉令典於官闈溢歡聲於方夏中賀恭以
皇太妃挺生淑質休應昌期贊陰化於椒塗嗣徽音於彤管晨昏
共養之禮簡在兩宮動靜謙肅之風形于六寢在先朝則有警戒
相成之道於聖王則有劬勞罔極之恩中外所瞻情文宜稱肆被
冊書之美爰昭位號之隆臣猥被爪牙叨居藩屏不獲隨例稱慶

賀降皇太子表代

王介甫

甲館告寧天為百瑞恩言周布歡動四方中賀臣聞聖則多男人
之所祝冠而生子古以為祥恭惟昌期宜有昭報上以慰兩宮之
念下以為萬世之基凡在寰區舉與善頌伏惟皇帝陛下聖神
文武睿哲溫恭以天縱生知之資務日就默識之學內修法度煥
然一代之文外服戎夷終自兩階之舞承列聖之不緒方懷燕翼
之思以百姓而為心宜有子孫之福益著思齊之聖更形既醉之
詩十四月而生堯已有同德之兆千萬歲而壽武願同庶物之心

賀降皇太子表

唐子西

前星騰耀麗日重光凡在照臨舉頌瞻仰中賀臣竊以漢室之尊
冢嗣遂立高禩封之祝聖人俾多男子蓋承祧之至重任主器
以非輕恭惟皇帝陛下駿惠先猷作新聖治奉天以敬恪勤父
事之心養物以慈摩撫子來之俗藹蕭被澤行葦霑仁穹昊駢禧
元良毓秀為社稷久長之慶承祖宗積累之休遣使告陵重離明

之有繼飛郵肆皆達解雨於無垠臣承之遠方欣聞吉語震雷號
號知七咎之克堪螽斯羽詵詵期子孫之寔盛

賀降皇太子表代

晁詠之

德符穹昊慶集宮闈篤生歧嶷之資來會明昌之運照臨所逮鼓
舞攸同中賀竊以固有永之基莫先主器紹無疆之服蓋本承天
下以宅萬國之惟心上以豫兩宮之愜志願茲大慶允屬熙辰此
蓋 皇帝陛下德動幽明仁均動植合天心而克享祇帝事以靈
承神罔怨恫物無違拒是以三靈薦祉九廟儲休克綏龜筮之祥
爰發熊羆之夢是生粹質作我元良臣待罪西陲馳心北闕上萬
歲之壽阻陪漢殿之班詠百男之詩載効華封之祝

賀降皇太子表

李成季

太史觀天已識前星之應大人占夢果符男子之祥喜溢宮闈慶
均海宇中賀竊以誕彌厥月有開右稷之先則百斯男於顯文王
之盛由人神之相與荷福祿之無窮恭惟 皇帝陛下孝安祖宗
仁遂動植疏爵賞以繼功臣之世發庠庠以惠天民之窮廣大德
以好生示神武之不殺萬事咸理允格丕平四夷皆來實獲多助
三辰昭鑒六聖具依載錫洪休篤生元嗣至誠能動無待薦高禩
之牲流澤有源何煩種北宇之竹况乃岱祇見象渦聖呈光共扶
萬世之基來兆一人之慶岐嶷之性先自得於神靈聰明之資將
弗煩於師傅大本有系衆情以熙臣猥服外僚親逢盛事上南山
之壽阻預班聯誦螽斯之章莫知鼓舞

賀降皇太子表

宋子京

寶祐叢林天支毓秀慶騰秘禁歡溢中區中賀恭惟 尊號皇帝
陛下受命普將凝圖不赫權綱用義根乎克念之虔簡素所安表
于不勉之懿且復欽刑薄賦重穀弛畋一方少饑則係馳使節萬
金稍乏則輒續禁錢民用靜嘉神罔恫然以上帝欽佑三后顧
存詒美孫謀昭衍無疆之烈歸功元首茂啓多男之祥誕協仲商
挺生哲嗣星弧具禮天第交華惟翕關之儲英固覃訂而絕異迹

聆詔諭並仰獻儀薦芴相趨抃吾君之有子珪璋流愛宜天下之
繫心臣始去近聯遽承吉語賡歌錦帙早知周德之遐叅祝祠禡
罔逮漢臣之幸臣限守符印不獲奔詣闕庭臣無任瞻天樂聖企
竦歡呼之至

賀皇太子進封表

曾公亮

百辟在庭誕揚於明命大邦維屏肇建於元良宗社增休幅員均
慶中賀切以周封姬姓之國親如魯衛則莫與比隆漢非劉氏不
王外薄胡越而皆為列壤故信厚之風稱於麟趾而蕃輔之勢安
於犬牙煥乎典章著在方冊恭惟皇帝陛下稽若成憲規恢遠
圖眷天材之夙成顧位號之非稱揆辰之吉相地以封尊爵名城
寵冠公侯之上高牙大旆榮兼將相之崇深根固本以扶不拔之
基強幹弱枝以闡無窮之祚享號聞于中外歡聲洽于邇遐臣久
玷近班親逢盛事洵雷方震更增赫赫之大明振鷺有儀莫預踰
鎗之率舞欣歡踴躍倍百等倫

聖宋名賢具五百家播芳大全文粹卷第一中

賀歲

皇太后

賀壽聖太上皇后冊

尊號歲

趙德莊

肇新締典欽薦鴻名仰符宸極之尊增厚坤元之載禮成中禁歡
動寰區中賀蓋聞以天下養者務極於推崇使聖人壽者爰深於
愛戴天心所命人欲必從恭惟壽聖太上皇后殿下維德是行
以慈為寶有開文定寶占渭水之祥尚友西真方侍瑤池之御揚
洪輝於玉檢效靈瑞於龜圖流周召儉勤之風介黃老清靜之福
永同臨照燕及雲來某爰被明恩親逢殊慶莫踵及庭之賀徒傾
方岳之呼

賀壽聖皇太后冊

尊號歲

許仲啓

聖膺聖壽知太極之有初實著徽名眎東朝而由舊兩宮致孝萬

寓鈞驩中賀恭惟 壽聖皇太后殿下慈寶兼三福疇用九當燕
謀之益廣宜鴻號之載熙文子文孫偕飭問安之懿躡亘今亘古
誕敷歸美之形容臣乘障攸拘班庭是阻致漢家之長信未足同
時誦周室之思齊茲誠並也

賀 太上皇后加備德尊號牋

沈 清臣

大慶欣逢仰乾坤之覆壽鴻名來上增日月之光明喜動慈闈歡
騰率土恭惟 尊號太上皇后殿下久勤內助光贊中興壽莫可
量觀繁衍熾昌之嗣德無不備兼聖明慈愛之休載極形容於昭
懿樂臣敬同我衆歸美吾君奉 太皇后而怡愉允合昌黎之頌
為天子父而尊養克符鄒孟之辭

皇帝登極賀 壽聖皇太后牋

許 仲啓

思齊文母密協遠猷佑啓神孫光膺內禪慶綽家國喜徧華夷中
加具恭惟 皇太后殿下 德至慈三朝備福素軫念飴之念贊成
輯瑞之儀原揖孫之有初重規疊矩處崇高之無極億載萬年臣

假守遐陬阻趨近綴共知養志調四海之旨甘更想問安聽兩宮
之敬躡

皇帝登極賀 壽成皇后牋

前人

承天之身施生攸賴與子之斷翊贊實勤慶輯家邦驩鈞遐邇
中賀恭惟 壽成皇后殿下動參乾極厚體坤元作合而定厥祥
昔著和平之美執中而修可願今昭保毓之慈軼長樂之徽稱儷
重華之大養臣屬拘乘障莫遑班庭仰婦道母儀有助唐虞之禮
想王孫公姓不忘周召之風

冊 皇后賀 壽聖皇太后牋

燕處禁宮致孫謀之永錫鳳儀椒掖謹婦道之再傳中賀恭惟
壽聖皇太后殿下聖本自然壽先太極比姜任而致福撫舜禹以
稱慈化基自有於本原豈徒一日靈範亦同於授受特表三朝臣
假守列城阻趨魏闕王母之坐少廣共仰尊尊太妣之嗣徽音是
為繼繼

冊 皇后賀 壽成皇后牋

仰作孚於澳號正此化基俾効法於坤元授之慈範中賀恭惟
壽成皇后殿下處心柔順宅志冲虛昔警戒以相成今康寧而曰
壽表儀有道尤高撝水之風付託得人遂陟塗山之助臣遠乘一
障阻敬九關爾觀春和想示親覽之訓程車曉霽更形問寢之儀
慈福宮上 尊號賀 壽成皇后牋

聯南極之輝養茲為大仍東朝之號孝必有原中賀恭惟 壽成
皇后殿下柔順體坤淵冲宅道俯替基圖之授仰借温清之承得
其壽得其名靡聞專嚮達於禮達於樂式著至和臣獲與承流敢
替進牘媿泐之濱虞舜尚藉闡儀寶慈之侍太皇詠傳家法
重華宮上 尊號賀 壽聖皇太后牋

坐少廣以迎年既繇積厚協重華而建號亦出至慈中賀恭惟
壽聖皇太后殿下夢日義明補天勳大鴻寶昔聞於與子燕謀今
見於詒孫仰藉指遜之傳蓋推愛育儻即形容之義厥有本原臣
賀 太皇太后受冊牋 李 成季

誕膺寶冊同攬乾綱號越常尊禮隆無上孝慈交感遐邇祇驩
中賀恭惟 太皇太后陛下柔順在躬聰明齊聖輔佐英帝肅陰
教於六宮保鞠先朝端母儀於萬國載加盛典允答徽音挾日以
升均照臨於南面與天同久擁康樂於西朝臣限守藩符不獲趨
詣闕庭

賀 皇太后受冊牋 李 成季
允膺寶冊增奉鴻名大孝隆親事光墳史萬邦蒙福喜極人神中賀恭惟
皇太后陛下育粹坤元服勤陰教輔佐先帝志在靜柔
保鞠聖躬德惟均一式彰懿範推講盛儀祇答懿慈盡明王之要
道誕敷徽命鼓百姓之歡心臣限守藩符不獲躬詣闕庭

賀 皇太后受冊牋 曾 文肅
膺冊慶辰正位太母七廟增重三靈協和中賀恭惟 太皇太后
陛下仁聖自天肅雍迪哲抱坤元之厚德倡陰教於中闈恭儉表

儀外刑于四海勤勞勳業光被于三朝席高顯之徽稱極尊親之大奉比周文母世賴於徽音如唐懿安禮隆於祖后光輝大典協永寶圖人神蒙休海宇均慶臣云云

賀 皇太后受冊牋

晷 无咎

位著徽稱居天下母儀之貴禮嚴備物昭聖人子道之成宮闈載祗海縣胥慶中賀恭惟 皇太后殿下懿恭性得慈儉身先坤極正於內朝陰教行於四國用膺光命允於常尊漢典具修式虔長樂之養周詩足繼大顯思齊之功臣伏限職事在外不獲躬詣闕庭

賀 皇太后受冊牋代

秦 少游

統酌天人備嚴典禮孝治既先於宮闈歡心自得於寰區中賀恭以 皇太后妙道生知英能天縱自長門而登長樂法度無違以太任而事太姜晨昏不懈至於彌成先帝之治保佑聖子之功幽通神明顯被動植施之大者報必厚實之富者名必隆位號既昭華夷增抃臣謬通屬籍叨假郡章不獲隨例稱慶闕庭

皇后

皇帝登極賀 皇后牋

許 仲啓

剛德初潛實勤輔佐靈辰內禪宜取龍光家國愈尊華夷胥慶中賀恭惟 皇后殿下賢昭彤史眷赫青闈蚤膺燕祀之嘉祥適值龍飛之盛際履長秋而建號載仰母儀頤重慶以承顏永修婦順臣遠叨郡寄阻遙朝班流化自岐顧孰分於周召嗣音如妣想莫間於美任

慈福宮上 尊號賀 皇后牋

前人

輔佐繇初位正長秋之建名稱從昔禮嚴重慶之加中賀恭惟 皇后殿下月朔日明坤承乾健際此龍飛之盛奉茲鴻號之尊玉振金聲敬致自然之表天長地久永依太極之先臣尚假守符遠修賀牘仰承三殿想殫侍膳之勤俯率六宮儻繼親覲之舉

重華宮上 尊號賀 皇后牋

前人

奉尊親之號允屬聖能佐孝敬之誠端繇婦順中賀恭惟 皇帝
殿下性鍾博厚運偶明昌穆如內治之和贊此外心之博體乾坤
而合德大養必借顯父母以揚名徽音是似臣邈居乘障阻蓬班
庭寶刻昭垂想萬年之歸美禕衣盡飾同五日之問安

加 太上皇太后皇后尊號賀 皇后牋 沈 清臣

禮舉外朝政關內治贊一人之愛敬揚萬世之休嘉恭惟 皇后
殿下教表人倫化行婦道得名得壽既慶集於親闈事舅事姑
諒喜同於坤極臣濫居帥守恭覲詔宣仰大妣之嗣音載光于雅
頌重華之協帝歸美于君

賀 皇后受冊牋

許 仲啓

輔佐儲闈功嘗參於匕鬯表儀內闈位初正於禕褕式舞且歌自
家形國中加賀恭惟 皇后殿下本之恭儉濟以憂勤選繇仙李之
華慶屬猗蘭之秀仰膺圖於上聖爰授冊於靈辰治首六宮既
明章於婦順德孚百姓致於變於時雍臣祗奉教條阻趨班列第
觀肅々賢人罔間於夷置尚想振々公子盡如於麟趾

賀 皇后受冊牋

中闈正號佑天德之大明四海蒙休慶國風之有本禮嚴宮掖歡
浹海隅恭以 皇帝陛下以上主之次負履重熙之祚至仁冒乎天
地濬哲嗣乎祖宗謂聖人之功重乎治內而天下之定始於正家
詔典冊於有司進坤儀之徽號仰恭廟祀下厚人倫

賀 皇后受冊牋

蔡 君謨

僊尊皇極宅正位於天閨配德紫宸膺鴻名於寶冊海內臣妾舞
蹈以之中賀臣聞文命造邦塗山所以宣內助重華嗣聖皇英所
以輔至明宗廟歆其薦羞穹壤因而垂祉載光懿範永屬熙朝
恭惟 皇帝陛下續服睿圖席休寶緒兩儀均大含生荷亭育之
恩二耀高臨品物仰照臨之惠是以淑譽流於區域陰教序於宮
闈用恭呈猷必崇位號加麗禕衣之貴增光彤管之華臣忝寄藩
方阻遙天陛

皇太妃

賀 皇太妃受冊牋

晁 无咎

冊嚴異數位著徽名光舊典於古今溢歡心於內外中賀恭惟
皇太妃殿下儀身率淑德性成輔佐先朝憂勤內寢屬大明之
繼體孝治增隆飭備禮於有司尊稱允答

賀 皇太妃受冊牋

李 成季

誕雁鳥徽冊增奉隆名凡在邇遐孰不抃蹈中賀恭惟 皇太妃陛下
慶傳貴緒端發靈源率嬪御以靜柔奉蘋蕡而蠲潔屬真
人之績紹推盛典以褒崇懽動宮闈事光史冊臣限拘藩守阻造
闕庭臣無任

賀 皇太妃受冊牋

秦 少游

史官揆日宗伯陳儀舉人典於宮闈溢歡聲於方夏中賀恭以
皇太妃挺生淑質休應昌期贊陰化於椒塗嗣徽音於彤管晨昏
共養之禮簡在兩宮動靜謙肅之風形于六寢在先朝則有敬言戒

相成之道於聖主則有劬勞罔極之恩中外所瞻情文宜稱肆被
冊書之美爰昭位號之隆臣猥被爪牙叨居藩屏不獲隨例稱慶
闕庭

皇太子

加 太上皇尊號賀 皇太子牋

沈 清臣

重規疊矩等天地以無疆寶冊鴻名觀朝廷之再舉事關宗社喜
溢宮庭恭惟 皇太子殿下貳體純乾承休太極參隨法駕之後
敬上慈闈之稱祖烈用光儲儀有慶臣恭聞盛事抃極懦衷始于
家邦既仰愛親之立施于孫子自然帝祉之貽

慶 太上皇壽賀 皇太子牋

正月之吉始和式逢舜旦四海之內咸仰共慶堯年喜侍龍樓
歡連鶴禁恭惟 皇太子殿下德輝玉裕福萃金枝喬嶽萬尋近
接瑤山之秀銀河千丈直滋少海之長衍爪朕之絲絲等乾坤之
蕩蕩臣阻趨鷄戟屬館麟符南極星明永赫在前之照蓬壺日永

共瞻明兩之光

賀 皇太子受冊牋

晁之道

備膺典冊肇建儲闈國本既隆海隅共慶恭惟 皇太子殿下淵
懿中積溫文外彰仁孝宣於生知藝休格乎天縱蹈三善之美既
曲盡於承顏並重離之光宜歸崇於主鬯神祇悅豫廟社尊安某
外守州麾阻陪班賀仰皇猷之增煥揆弱植以知榮

賀 皇太子受冊牋代

汪彥章

伏審仰法前星肇開儲禁慶關宗社禮絕臣鄰恭惟 皇太子殿
下胄出神明生知忠孝夙稟刑家之訓居無在傳之勤震一索而
得男蚤膺眷命月二日而成魄難徇撫謙兼隆監撫之名進極褒
嘉之數載錫彫珉之冊爰頒青輅之旂某幸託宗暉欽承友順盛
典方昭於宮壺歡誠敢後於簪纓

賀 皇太子受冊牋

願膺寶冊升位諸宮臨軒行曠古之儀見廟示承祀之重恭惟

皇太子殿下分輝寶緒毓粹璿源挺天人岐嶷之資稟神聖荀齊
之教當周室本支之盛獨冠百男宜漢家羽翼之成無煩四皓前
星外炳游震中潛某幸列宗枝喜隆邦本河潤九里方率族以依
仁月有重輪願登歌而薦祉

賀 皇太子受冊牋代

發冊於中升儲以嫡遂正少陽之位永符太極之尊恭惟 皇太
子殿下稟德星暉凝姿玉裕鍾朱芾宜家之慶膺青宮主器之
祥左右前後皆正人既懋分坊之選干戈羽籥在東序行觀齒曹
之儀某幸出聖時親逢邦慶喜人倫之既正符天下之至公頌詠
無窮敷宣罔既

賀 皇太子受冊牋代

孚號揚庭元良貳極明父子君臣之懿協神祇宗社之休恭惟
皇太子殿下信厚發中寅恭承上得賢哲少成之性符邦家長發
之祥方四履以提封遂三加而冠冢歌詠重暉之日允合天心旂

登一角之蝸仍昭聖祚某久參肺腑同奉威顏傳聞徽冊之頒倍
百外朝之慶

起居表

北郊清城起居表代皇子

汪彥章

輿衛天行親講頌祇之禮臣工宿戒交修苞聖之儀當解愠之清
和宜儲精之粹穆恭惟 皇帝陛下接千歲之統合三神之歡膺
多福以履至尊舉祲威而明德意肇修陰祭哀對坤靈千廬星
列於壇場萬騎雲屯於次舍協氣旁達祥光上浮臣方習幼儀莫
陪顯相嘉與函生之類共憑持載之安遙企威尊惟深慶抃

北郊清城起居表

函鍾八變將修大祭之儀陛下重密敬言周廬之衛舉典容而
創見殫誠物以駿奔恭惟 皇帝陛下道與時升禮由義起謂一
郊二祭之合非三代六經之傳弗謂屬車之勞躬臨方澤之祀
壇垓在望靈邊且告陳蠖獲深思豐融來應臣屬當齟齬莫侍

冕旒徒瞻睟穆之光無補肅雍之相

車駕親征起居表

趙德莊

靈旗杓指誕揚北伐之威戎輅天臨式慰中原之望儼百神而受
職拱方岳以來朝恭惟 皇帝陛下淵嘿坐謀乾剛立斷神武不
殺初何意於勇功天罰恭行實有開於駿命虜虜為不道古所未
聞久敷德以示懷終阻兵而棄信詔告厥罪人奮其忠方三捷以
系傳宜一征而底定舉上郡元封之役親屈帝尊踵澶淵景德之
行用光祖武清塵所扇時雨自霑臣猥假藩符阻陪羈勒仰民獻
十夫之翼雖媿壯圖晞太平一士之功猶知謹守

車駕親征起居表

汪彥章

萬旅戒嚴六蜚巡狩法成周之時邁張大漢之天聲恭惟 皇帝
陛下誠貫神明資兼智勇人合羣英之策慮與中否之基圖念問
安猶隔於雞鳴豈撥亂得辭於馬上姑從簡約用始憂勤臣方
遠闕庭莫共牧圉神戈所指方今裴度以眎師清蹕之行將獲呂

嘉而名縣

車駕回鑾起居表

趙德莊

皇威烜赫方望幸於中原聖孝寅恭斬歸承於清朝民有雲霓之慶師無霜露之勞恭惟皇帝陛下開濟艱難圖回久大尚勤寶儉來天佑於清躬惡殺好生養國祚之元氣昌期將啓狂虜自夷時乘六龍淮海風動日闢百里豪傑景從適忝祀以言還因薦勲而飲至格于藝祖聊收虞守之常作我上京終復漢家之舊臣義均國躰喜若己功簪雲象坐踈雖媿甘泉之從衣冠未挂猶瞻清渭之朝

車駕巡幸起居表

方仁和

六師雲陳共圖敵愾之忠萬乘夫臨親示拊循之旨王靈敷暢士氣歡騰中賀恭惟皇帝陛下孝本親親功超將將思父兄之播越軫吏士之勤勞露沐風纏共濟艱難之業雷驅電掃訖收嘉靖之勲臣叨守藩符但參羈勒四方來賀願陳下武之詩二聖重歡佇勸中興之頌臣無任

車駕巡幸起居表

汪彥章

素秋既杪人欣萬寶之成滄海方澄地接三山之遠恭惟太上皇帝陛下獨觀昭曠高蹈布夷疑宇定之天光藏雷声於淵嘿玩味瓊爰道遙藥宮神靜身修既得廣成之道年豐粟熟益知姑射之神臣等夙侍清光叨陪大政莫執問塗之役唯瞻寧極之尊車駕巡幸起居表

年運而往天時俄及於凜秋日舒以長物外方觀於浩劫恭惟太上皇帝陛下研幾繫表探賾寰中既與夫造物者游孰肯以天下為事遺元珠於赤水久矣相忘飲膏露於金莖工自然難老臣等幸參法從嘗侍清光徒傾就日之誠莫遂瞻天之意

陳請表

趙承之

請車駕東封表

雲霄高遠未獲感通螻蟻賤微尚懷烟榻罔避再三之瀆冀申

萬一之情中賀臣等切以天至尊而不可違民甚愚而不可抑王者之德既當於天意聖人之澤又浹於民心和氣發於休祥歡聲播乎嘉頌福固難於專饗誼必思於有尊蓋欲歸功於皇天所以從事於喬嶽文皆經見學亦世傳故孔子著柴望之儀以紀唐虞之常道而王通昧封禪之理乃謂秦漢之侈心方當黜異說以崇大猷莫若修盛典而示德意恭惟 皇帝陛下堯仁舜孝文德武功論極前王之所未嘗政皆近古之所不到有四海之內無一夫之向隅意所欲而動必成心無求而福自至昭然顧諟之命煥乎錫子之符超河圖而軼洛書且皆無有發石室而探金匱史不能名治固莫盛於此時神亦有望於今日所以兆人膺合百辟僉同爭獻長卿之文願上倪寬之壽詩以謂接千歲之統安可絜三神之歡紛然陳義之高殆若後予之怨雖聖懷謙損方且深闕於俞音而靈况昭明無乃久稽於眷命伏願 皇帝陛下改容有穆山詔惟溫不憚涉嶽之勞毋重省方之遠揭虔燔燎報施堪輿東方會諸侯之朝南向受羣臣之賀蓋蜀車八十一乘獲望清塵祥符一百七年再觀盛事民所願也天豈違之臣等咸以非才並當所部採忱辭於多士察衆志於編氓與其坐壅塞以貽譏不若緣冒煩而得罪神堪致薦雖自愧於蘋蘩日儻回光尚庶幾於葵藿

請 車駕東封表

趙 承之

帝德昭明功既成而必告天心惻怛民所欲以斯從敢傾有衆之情願達蓋高之聽目瞻雲日足蹈冰淵中賀臣等切伏里閭究觀載籍禮盛者其文必縟施豐者其報必崇故王者謹於事天而聖人乃能饗帝時薦犧牲之潔歲陳珎幣之嚴至於膺不世之殊休則必舉非常之茂典推因高之義而即介丘之遠竭報本之志而躬夙駕之勞蓋稀闕之上儀實太平之盛節然相望者萬有千歲而可紀者七十二君道不虛行時若有待恭惟 皇帝陛下體堯蹈舜跨商越周躬雁膺數之歸天縱聖人之略一心紹述

孝弟通於神明萬物阜安忠厚及乎草木兵與刑而不試禮既樂以成興戎狄奉執貫以守藩夷貊挈國而請吏農有常曲是歲士無不養之才故得人和而天瑞臻神况而地寶出圖書炳煥象類昭明極名數而無以該罄符帛而不能紀茂惟天意具迪民衷鋪觀赫赫之祥灼見諄諄之旨所以西踰邾鄆東越龜蒙周人既願於升中魯國尤深於望幸眷此商章之舊素聯畿邑之尊日月曦光最先瞻覩雨露流潤罔不函蒙惟祥符檢玉之年實直租駐蹕之地屬車再至黃屋少留精舍有嚴尚錫雲封之號脩塗不改猶遵輦路之餘臣等所以爭倒衣裳競傾葵藿權子不知其舞蹈耆年願濟於涓史冀聞謁款之音舉獲後來之慶伏願 皇帝陛下仰承帝謂俯詢輿言崇祀之闕規抑撝謙之高行消辰誕告先日戒期命掌故以修方詔秩宗而考禮藝特巡於虞典則先至者岱紹祖武於章聖則用事者東渙百執以駿奔儼六飛而順動登封降禪並交天地之歡發政施仁咸錫臣民之幸臣等冀緣清道獲望咫尺威儀鳴亦金之甞聞故填壑之無憾正憐此日方馳海上之思猶喜異持無復周南之歎

請 車駕西祀表

邵 澤氏

天意溥臨人心協應願講親祀之禮式昭報本之規輒露封章仰干宸聽中賀臣聞自古在昔若聖與仁因地因天以祭以祀蓋乾坤之合德宜父母之並尊惟彼柔祇實專厚載修祠漢室卜宅魏睢出鼎騰光允矣后皇之靈迹泛舟鼓擢偉哉孝武之勝遊我國家臻至治於祥符闡鴻徽於章聖遠紆法駕躬奠黃琮玉匱金繩禮全掌故重輪紫氣事載信書間有餘民能言往躅頌長春之舊境乃馳道之通衢梵宇深嚴永留玉座飛橋連屬常錫重名念此彌文且成曠典理若有待遭之甚難恭惟 皇帝陛下當制禮作樂之時撫重熙累洽之運天臨海宇子育黎元成功不居修報有自是以兼隆二至之祀遠追二代之英感通幽明昭格上下神降祇出未之前聞瑞應祥臻其可勝紀伏願 皇帝陛下既

封嵩岱即欵河汾歲事靈壇有鄉食烈祖盡吉蠲之孝享聲明察之誠心然後錫福萬民垂休永世而方岳以朝羣后覽道俗而問百年駐輦蒲津光動倚天之樓觀回變函谷雄觀巨地之山河臣逃遠闕庭叨分符竹俯殫悃悃深異允俞望屬車之清鹿敢効前驅而首路見甘泉之法從庶幾願畢於此生

請車駕幸洛表

趙承之

天地之德螻蟻莫不願忠變輅所臨臣民以為至幸情甚眾以難抑聽雖高其必從敢冒昧於謹詞冀露陳於悃悃切以成周舊宅不改山川有宋別都具嚴茲鑰土最中於諸夏日尤近於長安當開寶立極之初六飛天降迨景德承平之後萬乘靈從草木尚被於休光父老猶談於盛事禮曠焉其斯久民望之而甚勤趨修厥章宜在茲日恭惟 皇帝陛下盡循堯道不顯文謨力追三代之純躬軼百王之盛治無細而不舉功有難而必成薄四海無障候之虞六環九州皆冠帶之域載惟立愛尤切奉先南回而朝感春秋霜露之降西風所暨念祖宗弓劍之藏既出綍以戒期將泊辰而展事陵園動色如喜翠華之來京邑相趨咸願屬車之觀而况闕宮肅設儼列聖之睟容禁宇崇成煥中天之寶構且暫勤於乃碩庶深慰於斯民伏願 皇帝陛下俯照忱辭仰開睿聽既竭孝思之奉特迂輦路之臨觀西后以省方御三川而問俗靈河達砥柱之險遠懷有夏之功溫洛通汴水之波逢念元豐之績臣等幸承官之獲採輿言冀聞清蹕之音得効前驅之役庶幾洛下共償此日之心遂使周南無復昔人之歎

上皇帝勸進表

天人同心方嗣興於有德宗社重事可以曠於常尊雖懇款以樂推猶逡巡而牢避凡茲俟命安可偕躬恭惟 皇帝陛下識照幾微誠參化育早毓神明之胄茂昭文武之英有開必先既獄訟謳歌之畢往惟德是輔將神祇祖考以咸安當承再造之休乃守一謙之益三靈交懋鬱四海疇依惟聖人所貴於因時凡天下莫先於

定分今九廟尚虛於裸獻兩河未入於輿圖繼躋守文當亟收於
衆俊宅中圖大宜深究於遠圖儻差一日之幾孰敢早齡之運伏
望 皇帝陛下俯占輿誦光御法宮溢中國而撫四夷履至尊而
制六合雖以位為樂非堯帝之本心然其命惟新蓋周邦之舊物
瞻威在望得請為期

聖宋名賢五百家播芳大全文粹卷一中

聖宋名賢五百家播芳大全文粹卷第一下

賀表

陳請

請加 皇帝尊號表

王禹偁

內外文武臣僚具官趙某等言今月二十一日共干天聽別于尊
名奉宸翰以未俞慮精誠而不至戴天就日猶懸億兆之心伏閤
叫闕寧避再三之黷中賀 臣等聞運行四時者惟天之日照臨萬
國者惟日之明天不宰其元功而有蒼旻之號日不耀於陽德而
有畏愛之名是以居廣大而罔辭處貞明而弗讓蓋功德著乎上
而名號隨于下矣前王後聖茂實英聲取譬乎茲其則不遠伏惟
皇帝陛下繼天而王如日之升靜則垂堯舜之衣裳動則仗武湯
之旌鉞明堂制禮走玉帛于萬方宣室崇儒煥文章于三代候氣
而八風從律陳詩而萬物由庚既理定以功成尚宵衣而盱食早
以兆民愛戴羣后推崇率由舊章共上徽號 陛下讓不得已俯

而從之雖百姓同權方諧歸美而一人善下終恐近名昨者法天道以流謙敷王言而如綍謂大道不器何假先天之言謂聖人無名豈湏惟睿之說盡除 尊號頗駭羣情臣等奉詔靡遑再草請復 陛下過防滿假終未允俞守謙卦之六爻動而無悔去湯書之七號卑不可踰遂使中外包羞軍民沮色既難移於成命乃別獻于加猷共傾天誘之衷用紀日月之德著龜協吉蠻貊同文咸願聽卑以期得請 陛下特迂鳳藻猶避鴻名固愈振於謙光奈重違於人欲而况皇王顯號今古彛章上則尊列聖之貽謀光輝七廟下則稱庶邦之係望威服八荒凡在含生共觀休烈豈可執勞謙之小節廢立極之大名居軒昊之至尊慕巢由之獨行此臣等之所未諭也 陛下之所不取也臣等不勝大願敢固請上尊號曰 法天崇道文武皇帝庶得將順謙冲之旨惟新徽懿之名勉使聖朝有茲闕典跼天躋地罔敢自安碎首糜軀期于必遂臣等無任區區懇迫之至

請加 尊號表

楊 大年

文武百僚南郊大禮使具銜臣呂公等與內外馬步諸軍將校僧道耆壽等謹詣東上閤門再拜稽首上言曰臣等一瞻體上天之顧諟採萬國之謳謠願增益於鴻名用昭彰於盛德再三之瀆已負於刺芒億兆之誠彌堅於仄席遽頒明詔未賜允俞朝野之間啓處無措臣某等 中謝臣等伏以字之曰道蓋出強名何言者天不聞讓德佛惟大覺美號有百億之殊君乃至尊徽稱兼三五之盛若夫聖神之冲粹高厚之儀形非可管窺寧容臆度出於愛戴成此勤拳是故王者懋建大中戴藉古訓握河洛之祕紀所以愛天之明順黎獻之歡心所以從人之欲略鳴謙之小節收輿誦之至公雖岳己以無辭誠當仁而不讓者也恭惟 尊號皇帝陛下祇荷不構茂宜重光法人文之化成體神武之不殺惟睿作聖有感必通居上克明無幽不燭泣辜有暘示仁愛於羣生絜粢粢是盛展孝思於九廟躬帝皇之能事掩載籍之前聞而復探

妙道於域中敷至德於天下味希夷之旨允契混成挺高明之資
雅敦柔克極妙有玄元之理彰務滋遇種之勤度越古今充格上
下故羣情之懇倒述二美之形容願以大猷著於徽號而陛下
固形冲挹猶鬱耿光莫高匪天徒懷踴躅無私者日未賜照臨况
郊祀有期方國咸在抗嘉壇而款太一宜昭合於神休奉灌鬯以
見祖宗合紹隆於先志苟違遐邇之請曷副人祗之心臣等不勝
勤勤懇懇敢固上 尊號曰崇文廣武應道章德聖明仁孝皇
帝伏望 陛下對越景靈祗膺純嘏特詔執事誕舉彝章以仲
冬南至之辰天正上元之節畢禋燔於吉土覃渙汗於中區端拱
穆清備物典策追九皇而比德與三神以交歡快華夷後望之心
成宗社無疆之慶臣等幸甚天下幸甚謹奉表陳請以聞臣無
任

請加 尊號表

楊大年

臣某等言臣等竊覽人謀形容帝德願益麾鴻之號仰酬亭育之
仁罄華夏之一心奉表章而四上仍降明詔未賜允俞遐邇之情
殞越無措臣某等 中謝臣等切窺舊史載考前言夫名者實之
賓蓋名不可浮於實號者功之表非號何以明其功天地以不宰
為先猶述高明厚載之大德堯舜以無為而治亦著重華放勛之
美稱恭惟 尊號皇帝陛下祗荷慶基誕敷駿德臨下以簡視民
如傷舞干羽以示懷柔昇宮室而訓恭儉作事必咨於龜筮乃至
大同考言爰及於芻蕘克彰好問體玄元之清淨法夏后之聲身
至孝蒸三所以奉先而尊祖小心翼翼異所以君國而子民懿鑠薄
將淳熙光大是以由中及外不謀而同咸以為 陛下總妙道於
無方敷明德於有截思範圍於休美用許合於神祗蚩蚩之氓諒
亦知於帝力巍巍之號固上契於天心而 陛下載執撫謙未俞
誠請忽邦家之大典忘祖宗之舊章况今祗事紫壇躬謁清廟四
夷助祭知中國之有聖人羣后在庭見明堂之坐天子拜儀文物
之震耀築成屋宇之吉蠲三靈交歡諸神受記勝蠶昭文戩穀具

膺豈可徽懿之名簡略未稱矧復雷雨渙汗肆眚于九疇玉帛駿
奔侍祠者萬國咸欲謝生於蒼昊歸美於穆清亦願覩冕旒之當
陽觀典策之備物而 陛下曲矜小節深抑大猷荷上帝之眷懷
乃重違其成命為蒸民之司牧反固拒其歡心此臣等所以冒齊
斧以上言伏蕭屏而俟報者也是敢不避萬死謹固上 尊號曰
崇文廣武應道章德聖明仁孝皇帝伏望俯從衆欲式昭德音
干犯宸嚴必期得請臣等無任

請 皇帝御正殿表

晁 无咎

徒傾葵藿之誠敢期回照未竭潢汙之滴尚或可羞矧變異之已
消尤故常之當復中謝恭惟 皇帝陛下法禹罪已繼文小心惟
五事之罔愆於三光而何累爰以朔旦自興重雲不用其行史前
占於必蝕增修於德人莫覩其或虧和足致祥順宜獲助而猶謙
尊自牧震虩靡寧雖天所以愛人君常欲制於未亂而王所以奉
天道故當懼於無災然與其戒居處飲食之安孰若擴視聽歛

為之善豈惟過也見而更也仰是謂應以實而不以文南面宅尊
達四聰於虞舜大庖日御綏五福於周成庶或聽卑紘聞詔可

請 皇帝御正殿表

汪 彥章

乾象垂精稍拂清臺之候聖心祗戒久稽路寢之朝既侵沴之潛
銷猶彝儀之未復凡居履燾孰不怔營恭惟 皇帝陛下光紹社
宗不膺曆數萃勤儉於一己濟艱難之百為雖功如堯帝之巍巍
與天同大然心體文王之翼翼無日不恭比緣象緯之恆昭示國
家之戒皆臣子素餐之過何聖神軫念之深乃遷黼座之尊退避
法宮之正損厥奉御出於精誠然百辟晨趨宜肅乾坤之位四方
秋請願瞻日月之光儻降次以自居則在庭之安仰伏望 皇帝
陛下時回淵鑒俯徇誠祈稱警蹕以出房垂衣裳而當宁向明而
治合禮之宜不唯安羣下之情仰以答高穹之意

請 太皇太后受冊表

曾文昭公

朝廷盛典久抑而未施臣子微誠已殫而莫聽雖自謙冲之有素

亦由控告之未孚敢辭冒贖之再三所異矜從之萬一中謝伏以太皇太后陛下紹承天命保佑皇家粵正尊名誕膺顯冊茲蓋有邦之彝制是惟列聖之通規而况 太皇太后陛下聰明並於唐虞功德高於任姒納生靈於福壽措社稷於安疆事天治民內盡憂勤之念克已復禮動懷抑畏之心前詔收司勿言微稱退託不德絕迹外朝事皆貶於故常道以超於古昔頃示責躬之變暫停備物之儀至誠感通靡俟旋日膏澤優足不盈崇朝旌來交曲且登禾稼茂遂家有坻京之望人無溝壑之虞變頌感足為歡聲化凶饑為樂歲是宜因民之願享帝之休會已從人展采錯事而猶逡巡自抑遜避弗居違兆姓之心挈三神之望何以荅塞順氣尉安君羣情伏望肅沛發德音勉循舊典備金石之奏御雲龍之庭極治世之彌文成聖王之能事一人有慶永符四海之歡萬壽無疆長享三牲之養臣無任

進文字表

進 哲宗徽宗寶訓表

呂 伯恭

聖訓淵深傳唐虞之一道信書昭著宣文武之重光載緝嘉謨仰勤乙覽恭以 哲宗皇帝聰明睿智微柔懿恭鄉皇帝饗親肅九筵而宗祀因天因地款八陛以親郊東回川后之流西獻虎臣之捷黔黎樂業壽俊充庭 徽宗皇帝德冠百王道高五泰元圭載錫昭有赫之珍符隆鼎告成垂無疆之寶鎮輪奐肇新於衢室焉和親膺於儒宮禮樂交修權綱坐攬會際中興之運誕增先烈之光念前聖後聖之傳並垂彝教而大書特書之典敢後編摩上軫睿思式頒明命紬金匱石室之祕發闡臺虎觀之藏二后受之同歸于治萬物備矣皆聚此書萃圭璧於綠文會日星於漆簡奏篇甫始執筆與榮恭惟 皇帝陛下潤色鴻猷通追成憲稽舊章於天聖酌鉅典於元豐魏 成功用紀焜煌之績業業致孝式深紹復之思肆集品章揭為儀矩臣幸司鈇斲粗究科條不顯丕承第仰羣言之首是彝是訓以貽萬世之傳臣無

進建炎紹興詔旨表

呂伯恭

舜曆在躬大一人之聖孝堯言布下輯三紀之睿謨爰勒成書上
干乙覽中謝恭以 光堯壽聖太上皇帝道參覆載功冠古今
凡詔令之播敷若風雷之鼓舞辯邦誣而刊謗史前列用光施黨
禁而錄後昆士氣如洗闢正路以來箴諫塞倖門以嚴憲章飾革
輅以勞車萬屯思奮肅之車而耕藉九苞告豐恤刑必至於無刑
急士遂收於多士揭於象魏固井井而有條賜之康衢亦洋洋而
盈耳登泰和之休運啓授受之公心繼照云初增光是篤肆趨盼
於宸指俾具設於攸司肇自建炎之元乃紀紹興之號旁加褒集
胥協編摩言如然而出如綸昭華簡冊大作綱而小作紀布列章
程集致治之楷模萃保邦之軌轍于帝其訓與時偕行恭惟 皇
帝陛下明兩作離函三爲極問龍樓之寢內聞性命之精微紬鳳
檢之書外考典謨之渾灝建此奏篇之御翕然發政之新臣服在
宰司幸覩不範初何勞於率屬第有愧於視成臯陶見而知之
豈容倫擬子夏得其書矣烏測淵源臣無任

進四明尊堯集表

陳瑩中

臣瓘言臣六月初五日准通判牒准編修政典局牒奉 聖旨取
臣所著尊堯集臣依稟 聖旨不敢違滯緣臣者撰此集未經
奏御今具狀申編修政典局乞爲繳進合於御前開拆者臣竊以
畎畝愛君精誠雖至芻蕘議政迂闊難行葵向不習而常傾芹陋
敢期於得獻獨因睿斷許頁危衷中謝伏念臣糞土下材犬馬
質數罪固多於擢髮舍生無意於兼魚初欲槩指終難緘默因續
前言之緒聊輸垂絕之忠非敢有善善惡惡之辭但欲明尊二甲
甲之義此螻蟻所能知也在搢紳安可藐然八十卷之私書奪此
與彼十九年之懿績可從而違 陛下於繼述之初首辨明於茲
事微臣持將順之志在流竄而靡志鋪張痛詆之言編類厚誣之
語初謂熙寧之輔不媿有商之臣於成湯敢肆厥欺疑安石有所
弗忍及究觀於對筆始粗見其游辭因思大典之久誣益願忘軀

而往訐合浦十論申舊疏之餘言四明八門撮其要於一序實欲彰火德之盛不敢畏王氏之強寧碎首於邦誅忍謾心於國是彼效尤於往轍亦苟逞於陳編難以縷闕略舉綱要謂藝祖濫誅無罪謂真宗矯誣上天訕薄裕陵攘奪先美以託訓為箝口之術以歸過為自譽之媒但矜詆訾之極工罔顧威靈之如在幾乎罵矣豈不痛哉讀其書寧忍效淫而私其文可為流涕代言之筆盡目其徒為儒宗首善之宮肇塑其形為坐像禮官無禮而行詔史書獻佞而請觀光乎仲尼乃王雱聖父之贊比諸孟子實雱等輕君之情彼衰周之僻王棄真儒之將聖當時不得配太廟之鄉良後人所以廣上下之祠今比安石為欽王之臣則方神考為何代之主又况一人幸學列辟班隨至尊拜伏於爐前故臣驕倨而坐視百官氣鬱鬱多士心寒自有華夏以來無此悖倒之禮神考之再相安石始終不過乎九年安石之屏迹金陵棄置不召者十載八字威加於鄧館萬機獨運於元曲豈可於善述之時忽崇此不遜之

像因壞先朝三舍之法遂費今日千倍之財人材之可擢不殊國用之添費徒廣浚吾民之膏血增彼像之精神美成其私怨集于國陸贄設枝顛之喻承業以財盡為憂忠哉古人愛君之誠異乎今日養士之意又况臨川之所學不以春秋為可行謂天子有北面之儀謂君臣有送賓之禮三儀如彼名分若何此乃衰世海君之非豈是先王訪道之法賴川舊學記刊于四紀之前辟水新靡像成於一壻之手唱如聲召應若響隨使王氏侵至於強梁乃元祐助發其氣焰昔宣仁權同之際謂介甫節行甚高宜贈崇官仍加美謚司馬光書之于簡呂公著行之於朝不以替弊為心徒發鎮浮之議負安石者重加黜責貶神考者略不誰何遂至於枝蔓而難圖豈非由偏助之太過雖當時未見誣史而先朝自有聖批恬不奉行養成乖悖蒙蔽裕陵之眾美眩耀鍾山之一書四輔之行謀畫本生於日錄三衛之設規模初定於新經密密乎鄧蹇之安排草草乎京摠之傳授考其音聲則箎唱而堦和壁言諸手足則

左弱而右強。疑為冰山。烈若原火。愚公老矣。益堅平險之心。精衛
眇然。未捨填波之願。沒而後已。志不可渝。望雖隔於戴盆。夢不忘
於馳闕。丹誠上格。天語遙詢。要觀尊主之恭。緩議奸時之罪。淵冰
在念。其磔寧逃。恭惟 皇帝陛下。天大普。谷日明。偏照覽熙豐記
動之史。倣虞夏採詩之官。咨輿議於多方。證私書之百毀。舜纂堯
緒。孜孜乎善繼之勤。武廣文聲。斤斤乎丕承之美。茲所謂一人有
慶。可以得萬國之歡。凡有識知。孰不將順。天地尊卑之已定。手足
上下之宜分。孔志在乎春秋。漢律嚴於名分。戴土者皆知此義。尊
堯者豈獨臣書。燕馬以市骨為先。犛馬必將來矣。鄭校決防
川之壅。有古者其忍默乎。臣命可危。眾口難遏。伏望 皇帝陛下
念臣役志於身上。憫臣積禍於敢恭。以尺朽之廢材。貢一得之愚
慮。言多妄發。事則有稽。且宗當紹憲之時。寧容德裕之奪語。武
帝以述景為事。忍視馬遷之短辭。父子至情。古今一揆。不懲謗史
之罪。則何以謝過於宗廟。不毀坐像之悖。則何以示順於華夷國

是方強勢難遠。改大器至重要。在深思庶乎苗秀之分。始於冠履
之辨。至美成於剛健。大患生乎因循。儒宗數人自是一家之說。聖
主獨斷。乃為我宋之休。天心篤愛之甚。明人情企想而有待。解神
考在天之怒。成聖主奉先之仁。克果斷於蔡方人。將大覺善光。揚
於堯績上。可無為於一顰一笑之中。成允文允武之業。臣將獻駿
惠太平之頌。豈特進狂簡不裁之書。曾臆無奇。但盡恭於文字。筋
骸已備。當致命於君親。仰酬再造之恩。退聽一成之議。闔門待盡
殞首知歸。臣無任

進郊祀慶成詩表

蘇子瞻

親奠璧琮。始見天地。兼陳祖宗六廟之典。參用漢唐三代之文。夷
夏來同人。神允荅中。謝恭惟 皇帝陛下。聿追來孝。對越在天。外
修神考之文章。內服文母之慈儉。四方觀禮。百辟宅心。雪止風恬。
驗神祇之來享。雲黃歲美。和豐凶之在人。臣以藝文入侍帷幄。考
事而知天意。陳詩以達民言。雖無足觀。亦各其志。

進郊祀慶成詩表

蘇子由

莫大之儀成於一日無窮之澤施及四方歡聲所同和氣必應伏
惟 皇帝陛下奉列祖之成憲蹈文母之訓言臨御七年恪守一
德人服孝慈之訓物知仁厚之心神祇降休麥禾荐熟長日既至
舊章不忘以為再享明堂未暇圓丘之大祀躬詣皇地久稽先帝
之遺言惕然不寧述而非作是用修合祭之舊補不講之丈人情
所安神意昭答况復肆眚之令一寬於冥頑已責之恩大弛於累
執施仁於不報之地獲福於無求之中每侍清光略聞大旨勉強
吟咏形容盛明愧周頌二后之精深之唐賦三禮之廣麗圖寫天
日自知難成間雜風謠或有可取

進承天節頌表

楊文公

臣人言運偶承平節臨載誕凡叨食於周粟盡願祝於堯年臣某
中謝臣本自諸生偶干寸祿受兩朝之顧盼無馮唐不遇之嗟閱
四部之圖書自有皇香未見之恥雖研精而強力終昧道以迷塗而
千載休辰万邦大慶充庭任土慙非玉帛之二葉閣舞筵豈在飛
走之末是敢罄竭庸鄙撰成大節頌一首獻於闕下吉甫作頌愧
無清風之稱東方上書或經乙夜之覽

進御筆表

張 芸叟

臣等言昨奉勅編修 神宗皇帝御筆文字者王者出言而為令
風動於四方聖人肆筆而成書可傳於後世中謝恭以 神宗皇
帝勵精為治十有九年方在憂勤未遑暇逸事無大小躬自指揮
其至仁厚惠如風霆雨露固已動潤於堪輿其睿謀格言為法度
憲章豈止奉行於省寺 皇帝陛下善述其志 太皇太后陛下
寶之以慈永惟隆典之畢興而况本朝之故事俾修御筆首飭有
司惟尚書治摠六曹事包九棘紛然案牘隱若丘山或收於斷簡
之餘或得於殘編之末雲章炳煥手澤溫純觀之不覺動神讀之
可為流涕其間理財用則先崇於節儉讞刑罰則首務於寬平簡
拔人材恢通邊圉事三可以為法學三莫匪在公順考而行為國

何有又何必審周之道乃可迂衡誦堯之言方為稽古臣等戊書不敏授簡非工徒殫夙夜之勤何補丹青之治其事目凡一十有八件分上中下三冊謹具表上進

進稽古編表

司馬溫公

臣某言竊以九州四海一日萬機將祭知民物之性情蓋布在文武之方冊雖歷年多而舉其大要則用力少而見夫全功恭以皇帝陛下富有春秋弭寧方夏念終始典于學於緝熙單厥心延登老成親近勸講發論語章句採經藝以同歸誦寶訓丁寧憲祖宗之不易本有如是實惟濫觴惟稽古堯舜之舊章惟信史春秋之成法高山可仰履轍在前其興亡在知人其成敗在立政或當艱難之運而不能師用賢智或有惻隱之意而無以照知忠邪載籍之編患乎太漫鑒觀之主力不暇遑敢用芟夷略存軀要由三晉開國迄于顯德之末造臣既具之於歷年圖自六合為宋接乎熙寧之始元臣又著之於百官表乃若威烈丁丑而上伏羲書

契已未對越神人可用龜鏡悉從論纂皆有依憑總而成書為稽古錄二十卷因仍書局繕寫奏篇茲冒昧以上陳助聰明之遠覽中謝恭惟 太皇太后陛下定九鼎以守天下之公器乘六龍以御天下之正權思齊之功啓佑聖學過物之濟燕及宗祧至於法弊於涼而改為官非其人而變置御戎之策上下措國之勢安危據舊以鑒新去彼而取此陶成万化東在兩宮七廟垂无疆之休微臣與不朽之業干冒 宸衷臣无任

進先公文定公文集表

胡 明仲

臣某言臣弟太常丞臣寧輪對奏事伏蒙 聖慈宣問乃父既解釋春秋尚當有他論著其具以進者 宸衷尚舊故老形思訓釋典文夙簡淵深之記遺餘篇翰更蒙清燕之求臣人 中謝伏念先臣早捐塵事志希任道謀不為身心遠地偏寄陶廬於三徑人憂已樂甘顏巷於一瓢吟詠情性而无雕蟲篆刻之為交際往來而乏竿牘苞苴之智中經倣擾多所散亡晚獲莫居僅成編秩精忠

皎皎每提撥亂之綱莊語諄諄多聞濟時之用進則傾輸於君
父退猶闢說於公卿壯懷投老而益堅弱齒抱痾而彌勵自期有
補終冀一伸丘木成陰雖鬱春秋之志囊書奏御何殊旦暮之
逢此蓋伏遇 皇帝陛下典學裕身崇儒化俗華衮豈惟於一字
緇衣不問於十年乃因仲息之對揚錫以溫顏之清問斯文不墜
夕士流傳臣謹已校定并訛分成門次爰從傳置進備覽觀函
劍有光既徹斗牛之象浦珠无類合供旒冕之須臣无任

進家集表

王 豐爰

切以在治之金以自躍而為恥韞匱之玉必待價而乃珍念父書
之久藏當盛世而難隱中謝恭惟 皇帝英猷天啓睿章日熙制
規二帝之摹言合六經之訓握樞立極纂承禹積之嘉肆筆成書
丕紹堯章之煥重念先臣少緣家孝早中甲科校天祿之文才
稱金馬視淮南之草名在玉堂作新兩漢之文章潤色三朝之告
命世有儒宗之文言史多天獎之辭傳誦一時豈特語言之妙協成
大事固多翰墨之功晚受知於裕陵久登庸於宰路當廊廟謨謀
之暇猶國家論議之兼聿罄精忠仰贊格天之業追膺碩託獨先
定策之言暨陷驪堯之誣阻奏東方之牘方 陛下丕揚先烈追
念舊勞辨銷骨之讒既昭前事覽凌雲之作恨不同時悉哀平日
之遺文益愴他年之榮遇啓金滕之策不及於生前上茂陵之書
徒嗟於沒後

進貢表

賀 皇帝登極進綰表

奎 成季

大人繼明神明協相四方來賀玉帛交馳仰罄懽心畢輸邦物臣
猥叨符守阻覲帝闈敢陳在篚之儀少助充庭之實

賀 皇帝登極進銀表

許 仲啓

禹若舜初率百官而班瑞漢因周舊膺萬國之貢珍前件物沙
鏢本同範鎔自貴甫慶執中之命敢修奉上之儀明用黃離起鳳
翼龍鱗之願儉存白賁殊衷蹶麟趾之誇

進銀表

趙德莊

雷風鼓舞方不冒於海隅玉帛會同蓋將歸於宰旅前件物名標
貢品事列獻程受祿于天雖無倫而富有朝宗于海抑善下以成
能

進銀表

負宸而輯五瑞共惟帝臣考圖以別九州敢執壤奠前件物用參
中弊出自餘財嶽貢川珍雖愧備陳之盛靈存行雨施少禋慶賜之
效

聖節進銀表

歐陽永叔

重熙纂歷載誕啟辰正守陳儀允昭於嘉會庶邦修貢成效於
駿奔前件綃三壤所宜九賦攸出備諸宰旅寔織篚以非工切比
野人得美芹而是獻

聖節進銀表

曾子固

自天生德與世為歸屬當載育之期敢薦無疆之祚前件物輒
備土毛之末用參篚貢之餘遠守蠻荆莫預造庭之會仰懷象魏
但祈難老之祥

聖節進綃表

元命在躬方啓龍興之運洪圖集祉爰開駟降之祥前件物敢薦
服官用參庭貢緣易供之薄獻祝難老之殊祥

聖節進綃表

石敏若

流虹飛電乾坤薦祉於一人就日望雲玉帛交馳於萬國載輸品
物仰控丹誠前件綃民力之餘邦財所出歡声震海旅寔充庭雖
堯仁如天罄所產莫酬洪造虎拜稽首欲万年歸美吾君豈臣等
之私言廼太平之輿議康衢擊壤歌如山如阜之詩嗚佩稱觴望非
霧非煙之閣

進瑞木嘉禾表

崔德符

兩儀敷佑諸物効祥於昭至治之隆丕顯太平之應中謝臣聞古
者君臣合德夷夏交懽仁澤滂流和氣充塞而靈芝間出瑞木時

生固已被之筦絃煥乎圖史未有連柯並秀擢百尺之名材接畛叢生過九莖之成數泛觀今古魯絕見聞此蓋伏遇 皇帝陛下子視羣黎天臨萬國孝追先志功格上靈故得七廟儲休百神薦祉曲形庶類存降珍符矧其一發於千春之鄉一產乎感仁之理揭示歷年之永誕彰神化之孚而臣職在承宣親觀奇勝追元豐之故事請播于樂歌紀大觀之新書願垂乎信史今畫到圖子一面謹隨表上進以聞

進琴表

崔 德符

性情之正有待于節文律呂之微必藏于度數非大巧孰能制器非至聰無以審音退省僭尤伏深震懼中謝切以在昔帝王之盛德躬御琴瑟之正声大孝因心聞有思親之操至仁軫慮傳諸解慍之歌至于禹服貢嶧陽之材周樂備雲和之奏薦于郊廟以格鬼神蓋必興禮樂以致太平故能垂衣裳而治天下恭惟 皇帝陛下天開上智神授成能作樂教和已形于海縣以聲為律一出于睿謀當聖人有作之時實衆伎呈才之日而臣素耽雅道自製孤桐雖血指汗顏多慚于妙手而龍池鳳唳切比於良工所有斷到琴一面謹隨表上進

進歲貢綾并藥物表

邵 公濟

一人有慶寰宇宙以來王萬國輸忠任土地以充賦禮存貴服意比獻芹中謝景運應期洪基繼聖辨神農之草木垂黃帝之衣裳雖四海頌堯獨先於儉德而九州貢禹自至於盛儀惟此南充稱于東蜀蚕業最善俗工勤秦國之綾謝女仙山地產神州之藥仰塵府藏謹贄篚箱物無損於絲毫心共傾於葵藿

進馬表

四方來賀共伸善禱之私万壽稱觴當有備物為稱念此充庭之實无如在廐之良前件馬質妙權奇氣稟神俊暫御省方之駕行闈還蹕之音

聖宋名賢五百家播芳大全文粹卷第一下